

UGOVOR O JAVNOJ NABAVCI
BROJ OP-06/17 Lot 3
(Boce za kisik)

Zaključen između ugovornih strana:

1. **Javne ustanove Dom zdravlja Kantona Sarajevo**, sa sjedištem u Sarajevu, ulica Vrazova br. 11, ID broj 4200174570004, kojeg zastupa generalni direktor mr.sci.med.prim.dr. Fuad Husić (u daljem tekstu: **Naručilac**)

i

2. **Inel d.o.o** sa sjedištem u Mostaru, ulica Polog bb , ID broj 4227189240006 kojeg zastupa direktor Ivan Kvesić, (u daljem tekstu: **Isporučilac**).

Ugovorne strane su saglasne u sljedećem:

I Osnova za zaključenje ugovora

Član 1.

Osnov za zaključenje ugovora je Odluka o pokretanju postupka javne nabavke broj 01-03-4776/17 od 09.06.2017. godine, Odluka o izboru ponuđača broj 01-03-4776-8/17 od 11.07.2017.godine, u otvorenom postupku javne nabavke broj OP-06/17.

II Predmet ugovora

Član 2.

Predmet ugovora je **nabavka boca za kisik** za potrebe Javne ustanove Dom zdravlja Kantona Sarajevo, bliže specificirana u ponudi Izvršioca, koja je sastavni dio Ugovora.

Predmet ugovora koji se isporučuje mora biti bez ikakvih oštećenja, proizvodnih nedostataka i da zajedno sa pratećom dokumentacijom kao cjelinom, ispunjava postavljene tehničke zahtjeve.

III Ukupna vrijednost ugovora

Član 3.

Ukupna vrijednost ugovora iz člana 2. Ugovora, sa uključenim PDV-om iznosi:

17.000,00 KM

(Slovima: sedamnaest hiljada KM i 00/100 pf).

U ukupnu ugovorenu vrijednost su uključeni svi zavisni troškovi nabavke robe na paritetu fco - skladište kupca.

IV Obezbjeđenje sredstava

Član 4.

Sredstva u iznosu iz člana 3. Ugovora su namjenska sredstva a obezbjeđena su od strane Ministarstva Zdravstva KS.

V Cijena

Član 5.

Za isporučenu robu važe cijene iz ponude koje se ne mogu mijenjati, a sastavni su dio ovog ugovora.

VI Stupanje na snagu ugovora

Član 6.

Ugovor stupa na snagu danom potpisivanja Izvršioca i traje do datuma predviđenog za isporuku predmeta nabavke.

VII Rok i način isporuke i garantni rok

Član 7.

Rok isporuke predmeta Ugovora je 25 dana od dana potpisivanja Ugovora.

Ukoliko Izvršilac ne ispoštuje rok iz stava 1. ovog člana, ugovor će se smatrati raskinutim.

Izvršilac je dužan da 3 (tri) dana prije predviđene i planirane isporuke predmeta ugovora o tome obavijesti ovlaštenog predstavnika Naručioca.

Prilikom isporuke predmeta ugovora Naručilac je u obavezi da dostavi ovjerenu i potpisanu Izjavu da predmet ugovora nema nikakvih nedostataka i da je u svemu u skladu sa usvojenom ponudom, u suprotnom predmet isporuke neće biti primljen.

Član 8.

Prilikom prijema predmeta Ugovora, ugovorne strane su obavezne da naprave Zapisnik o prijemu predmeta Ugovora, koji potpisuje predstavnik Naručioca i jednog predstavnika Izvršioca. Zapisnikom se konstatuje sadržaj i kompletnost predmeta Ugovora.

Član 9.

Ukoliko se prilikom isporuke predmeta Ugovora utvrdi da stvarno stanje primljenog predmeta Ugovora po kvalitetu i karakteristikama ne odgovara tehničkim zahtjevima iz tenderske dokumentacije, predmet Ugovora će biti vraćen Izvršiocu.

Član 10.

Izvršilac se obavezuje da će, ukoliko se reklamacija odnosi na funkcionalnost predmeta Ugovora, otkloniti nedostatak na stručan način, o svom trošku, a ukoliko se reklamacija odnosi na oštećenje, predmet Ugovora mora biti zamijenjen u roku od 8 (osam) dana od dana prijema reklamacije.

U slučaju da stvarno stanje primljenog predmeta Ugovora ne odgovara dogovorenim uslovima iz ovog Ugovora i tehničkim karakteristikama iz tenderske dokumentacije, konačni prijem neće biti izvršen. Komisija Naručioca je dužna da reklamaciju dostavi Isporučiocu odmah po utvrđivanju nedostataka, a najkasnije u roku od 5 (pet) dana.

Član 11.

Garantni rok za isporučenu robu je : 24 mjeseca

Izvršilac je obavezan uz isporučeni predmet Ugovora dostaviti garantni list koji će biti ovjeren danom stavljanja predmeta Ugovora u funkciju.

Izvršilac je obavezan u garantnom roku obezbijediti servis i rezervne dijelove.

Izvršilac je obavezan da uz isporučenu robu iz člana 2. ovog Ugovora dostavi uputstvo za upotrebu na jednom od službenih jezika BiH.

VIII Način i uslovi plaćanja

Član 12.

Nakon stupanja na snagu ovog Ugovora, plaćanje predmeta ugovora vršit će se u roku od 10 dana nakon izdavanja fakture.

IX Ostale odredbe

Član 13.

Na sve što nije predviđeno ovim Ugovorom, primjenjivat će se odredbe Zakona o obligacionim odnosima.

Član 14.


Ugovorne strane su saglasne da će sve sporove koji eventualno nastanu u toku i u vezi sa realizacijom ovog Ugovora, rješavati sporazumno, dok će u suprotnom biti nalažen Sud u Sarajevu.

Član 15.

Ugovor stupa na snagu danom potpisivanja Izvršioca, a sačinjen je u četiri primjeraka od kojih Naručilac zadržava tri primjerka (SEFPx2, Javne nabavke) a Izvršilac, jedan primjerak.

NARUČILAC

Javna ustanova Dom zdravlja
Kantona Sarajeva


Mr. sci. med. prim. dr. Fuad Husić
spec. porodične/obiteljske medicine
Sarajevo, dana 31.07.2017.
Broj: 01-03-4776-11/17

IZVRŠILAC

Inel d.o.o.




Ivan Kvesić

dana

31.07.2017

Broj:

366-17